

Sebija Izetbegović

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo i JU Dom zdravlja Kantona Sarajevo

PREDMET: Dostupnost ampularnih analgetika u JU Dom zdravlja Kantona Sarajevo

Poštovani,

U skladu sa Poslovníkom Skupštine Kantona Sarajevo, a imajući u vidu informacije sa terena i zabrinutost građana, upućujem sljedeća zastupnička pitanja Ministarstvu zdravstva Kantona Sarajevo i JU Dom zdravlja Kantona Sarajevo:

I. STANJE ZALIHA I DOSTUPNOST

Da li je tačna informacija da u pojedinim organizacionim jedinicama JU Dom zdravlja Kantona Sarajevo nema ili ima nedovoljno ampularnih analgetika?

Ukoliko jeste, molim da dostavite informaciju u kojim organizacionim jedinicama je evidentiran nedostatak, kao i od kada traje navedeni problem.

II. UZROCI I ODGOVORNOST

Koji su razlozi za eventualni nedostatak ampularnih analgetika (problemi u nabavci, planiranju potreba, distribuciji ili drugi razlozi)?

Ko je nadležan i odgovoran za planiranje, nabavku i osiguranje kontinuirane dostupnosti ampularnih analgetika u JU Dom zdravlja Kantona Sarajevo?

Da li je Ministarstvo zdravstva Kantona Sarajevo bilo upoznato sa ovim problemom i koje mjere je poduzelo?


III. POSTUPANJE I MJERE

Da li su poduzete hitne mjere za nabavku ili preraspodjelu ampularnih analgetika kako bi se osigurala njihova dostupnost u svim organizacionim jedinicama?

Kada se očekuje potpuna normalizacija snabdijevanja ampularnim analgeticima?

Koje konkretne mjere će biti poduzete kako bi se spriječilo ponavljanje ovakvih situacija u budućnosti?

ZAKLJUČAK



S obzirom da se radi o osnovnim lijekovima neophodnim za svakodnevni rad zdravstvenih radnika i pružanje hitne medicinske pomoći, nedostatak ampularnih analgetika predstavlja ozbiljan problem koji može direktno ugroziti kvalitet zdravstvene zaštite pacijenata.

Neophodno je osigurati potpunu transparentnost u vezi sa uzrocima nastale situacije, utvrditi odgovornost, te poduzeti hitne mjere kako bi se osigurala kontinuirana dostupnost ovih lijekova.

Očekujem da nadležne institucije dostave jasan, precizan i dokumentovan odgovor, uz informacije o konkretnim poduzetim mjerama.

S poštovanjem,

Sebija Izetbegović
Zastupnica u Skupštini Kantona Sarajevo.

